

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



近代中國史料叢刊第五十六輯  
沈雲龍主編

客

人

對

古直撰

文海出版社  
印行



---



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



客人對題詞

余與公愚同爲汪容甫之學余有容甫文箋公愚足成之公愚近箸客人對亦猶容甫之張廣陵其排比事類自成馨逸余無是製也夫音有楚夏人無楊越儋荒之目旣乖於吳會商偃之文甯逐於晉魯安有作祥爲制自矜土箸重內輕外別主爲客邪客人之說殆如外江之僑一成不易庇焉而縱尋斧余不謂然質於粵之通人恐亦無以難也公愚文非故楮余旣識其精思余學愧道古尙可究其旨趣輒徇公愚所請用弁其首云庚午十月揚州興化李詳





客人對上卷

梅縣 古直 著

客人對

建設周報以榛狂加客人感之而作

庚午之歲九秋之夕揚州羅教授過存而桐城方祕書在焉  
時直方爲客人三先生詩選卽舉似曰若此之文亦得目爲  
榛狂否二君媿曰玉出崑山珠生南海昔矜耳聞今竟目覩  
殆將方駕於曹劉更奚榛狂之能蟻惟客者賓也先至爲主  
後至爲客客已來自他方源流清濁風化芳臭竊願聞其較  
略直對曰夫鴻鴈知去陰而就陽人類亦規利而遠害運無  
常隆時有中否盤庚寧民於殷亳大王避狄于歧山反主爲  
客則遷徙之由當典午之不競也諸夏湯湯一時橫流盡室

投奔齊指江左朝廷特置僑治以處南徙之民僑寄也客也  
寄客爲僑於是衣冠之族充物揚州矣初猶以爲屯圯所鍾  
不過一時神旂電掃朝服濟江則家家可以賣宅乃喪亂縣  
邈累世不復雖殷依風之思終已植根異所中原人士門閥  
自高言語風俗初不相入後雖土斷人猶視同僑客百年以  
往子姓益孳然本邦之望已絕遂漸向嶺外轉徙揚州晉安  
郡今汀州廬陵郡今南安南康郡今贛州與今廣東惠潮梅  
南韶連皆毗連也故客人入粵率由汀贛此其源流之可攷  
者也至于風化善多而惡少陳白沙嘗紀程鄉縣學矣質實  
勤儉人物冠冕搢紳錄嘗品嘉應風俗矣尤能涵濡于詩書  
潤澤于禮樂耘耔硯田恃以爲生蓄畬經訓乃亦有獲試童

子者一縣至餘萬人遊泮宮者每邑常以百數王府君特志文風惠學士甚樂其土而婦女貞潔有布裙曳柴通力合作之風更五部洲莫與倫比此其風化之可驗者也二君笑曰斯旣然矣始遷人物亦可徵乎直對曰有程旼者悃幅無華晉社已屋飄然鴻冥止於義化結廬江濱人服其行往質厥成望廬思過當時化之南齊置縣表以程鄉德高鄭公道邁太丘亦有二子曰松曰杉松字伯材事親極孝終日怡聲未嘗疾言隱居不仕栖遲樂飢杉字仲材以學被徵爲宏農守雁父憂歸壽至百歲稱爲真人此皆載於志乘見諸方輿者也聽遠音者聞其疾而不聞其舒書闕有閒則不能進於是也二君嘆曰君子之言信而有徵此之謂矣然諺曰一代客

二代主今閱千年客名不去寧有說歟直對曰五方水土剛柔不齊而聲氣應之胡越漢視夏楚異情則言語爲之階客人之先來自中原初因自貴保守語言及遷益南迫近陸梁保守之性因之加強夫文身而邑草萊雖庶子足治於越端委而治周禮非至德莫化勾吳今以播遷之族迫處五嶺之間猶不屈己從人惟冀式穀似我倔强介立自畫鴻溝永永年代長留客名不亦宜哉然古韻學家則有幸焉矣古音字紐有端透定無知徹澄有幫滂並明無非敷奉微此錢曉徵氏之創見而客音知與照無別穿與徹無別牀與澄無別則足與錢說相發也娘日二紐古並歸泥此章太炎氏之創見而客音讀爾如泥上聲讀乳如能去聲以日紐字讀入泥紐則足

與章說相發也耕清二韻字古人往往讀入真諄臻此顧亭  
林氏之創見而客音嬰因無別盈仁無別經巾無別臻精無  
別則足與顧說相發也今音多侈古音多斂此段茂堂氏之  
創見而客音於侵覃談鹽添咸銜嚴凡九部全讀閉口則足  
與段說相發也暨乎季葉東塾取證古音於隋唐餘杭搜求  
方言於嶺外莫不有資於客焉二君曰然則客名不去乃大  
有造於學術矣淺夫猶欲相詆倘詩所謂別有肺腸者邪直  
對曰人藏其心不可測度鉤深致遠我則未暇然客人豈嘗  
有負於人哉豐狐文豹以文見殘客人遭謗殆以是耳二君  
曰客人文彩照耀一世歆其盛美有日矣駿烈清芬可悉聞  
乎直對曰不及致詳敢舉其尤昭灼者耳曲江張文獻公以



道相君風度冠時學究精義文參微旨綺麗擁有玄暉牋誄  
聘于任昉氣象高雅不在燕許之下神味超軼可與子昂方  
駕相業不過偶然遭逢用才尤在文章之境信爲文場元帥  
豈止後來詞人之冠我祖亞奭公當五季雲擾結廬羅浮力  
學不怠淹貫羣籍時或吟詠出語驚人一時文譽轟動四方  
山羊讖出白天水至天下自此定矣嶺嶠秋賦止薦一士衆  
卽推我祖督府勸駕詩曰寰中有道逢千載嶺外觀光只一  
人蓋紀實也及上春官名在第二宋興嶺南舉進士者自我  
祖始曲江余襄公少都文譽長窺祕書衣裊班香名高漢聖  
摩崖作記比美浯溪爲遼制儀掌之外史縱未駕乎歐梅亦  
自拔戟成隊矣况復申救仲淹與歐公尹洙同貶四賢之詩

萬口爭傳有東漢李杜之風也哉爰及近代則韓文恪振采於鳳闕廖處士追風於龍門何少詹驚藻於瀛洲鄧鴻臚疏政於柏臺石塘之什浸淫騷選大類嶠雅蓮鬚諸製小羅浮集師法杜韓鬱爲翁山獨漉後勁其間尤有數公巫廬並聳騷雅同瀾請得而更陳之嘉應宋芷灣先生襟抱豪邁下筆磊落縱橫流漫自成方圓淋漓元氣充塞高厚哀樂無端飛行絕迹波濤同乎蘇海雲雨荒於夢思陶鈞李杜神骨俱化往古少聞今世未見嘉應李繡子先生早歲下帷潛心大業見微而知清濁起衰而志南任紬繹詩義則毛鄭之傳人也摛藻澹雅則馬揚之嗣音也經術詞術並臻絕詣汪容甫庶幾近之至于聲詩情以爲根文以爲華禮義以爲實宮商以

爲節波瀾意度直到古人恐黃仲則尙或遜之矣是以阮太  
傅待之以文星江鄭堂尊之爲畏友鎮平黃香鐵先生少好  
六藝尤妵比興鷓風旣積雅聲頻流其詩體勢變而愈道或  
無端轟起萬類驚心或文外旁情一縷瀾布或羣流迸赴而  
東以一峽或一潭下注而散爲衆派爲境萬殊用法一貫窮  
源竟委焉測所至包安吳于是推袁梅郎中願效玄晏鬱然  
文棟同時服膺信爲藝苑美談矣嘉應黃公度先生學富談  
天博能畫地霸朝成志人境賦詩萬里長風驅其煙墨三山  
漂渺益其靈氣出入杜韓斟酌樂府有詞皆鑄無能不新屹  
乎如華岳倚天浩乎如百川赴海陰閉陽開千彙萬狀九州  
駿足追焉而莫及海外鷄林久矣其傳遍信乎堂堂詩格足

繼豫章宗盟者也二君曰吳札聞樂歎觀止矣而橫逆仍來  
或者有所不足於選舉學校歟直對曰恐不如尊億遠者勿  
論但言有清一代可乎他邑勿論但言梅縣一縣可乎梅縣  
廣袤百餘里人口僅四十萬耳然其科第常足與南海番禺  
相頡頏自順治紀元以迄道光二載歷年將盈二百舉鄉試  
者凡三百有二人中解元者凡九人舉進士者凡四十有九  
人持與南番相較則解元等於南海而番禺絀八也舉人南  
海贏百而番禺絀二也至于進士則南番均絀于梅縣南海  
絀二猶屬魯衛番禺絀至十二則商周矣夫南海雄藩番禺  
都會冠蓋駢闐人文輻湊氣矜之隆孰敢余侮而客人獨偏  
師迭出時與爭鋒下鱗渚之珠船牽羊石之錦標十盪十決

五科五解

乾隆五十四年己酉科解元梁念祖嘉應人乾隆五十七年壬子科解元宋相嘉應人乾隆五十九

年甲寅恩科解元葉鈞嘉應人乾隆六十年乙卯科解元邱作霖大埔人嘉慶二年戊午科解元李汝謙嘉應人是五科

五解元也見阮元廣東通志嘉應大埔同爲客人今梅縣昔嘉應也極獨埽之能事盡穿楊之

妙技觀者惴恐聞者色沮客人之於選舉何有哉更論學校

自阮太傅持節臨粵學海堂開鴻儒碩彥相乘而起然大傅

妙選學長則嘉應吳蘭修學博儼然居首其餘長樂溫訓嘉

應楊懋建李光昭廖紀張其翽饒軫溫仲和各洪才淵懿學

探本源談經則折鹿角下筆則轡龍文或入馬鄭之室或闖

班揚之門或衍荀袁之史例或正定九之九數著書垂藻絡

繹續紛迷方之指於焉再見若夫新近教育亦著先鞭三十

年來如日中天小學如織中學如林一城斗大摩肩接迹者



強半媚學之子也卒業以後出考大學星羅棋布列鬢皆滿  
至于游學尤爲風尚東西二洋如水赴壑我我方冠常以百  
數文學道藝政事法理揚聲於禹域馳譽於寰瀛者大有人  
在焉二君曰然則人何爲過而致難於客人哉豈云采浮華  
者棄忠信筆力翹扛初於天下興亡無益殿最歟願吾子有  
以語我直對曰富哉問乎微公言固將白之夫識胡雛之必  
亂思蜀道而沾襟定法治之公名侍臥龍而不起前者唐宗  
失之於曲江後者清宗失之於嘉應詩曰天實爲之謂之何  
哉惟當天長喪亂九流渾濁之際必有人焉起當撐柱之任  
蒙古隲突粵境屢殘其有赴韶州司戶之任無謀人軍師之  
責臨危權事慷慨而起統督義兵與城存亡罵賊烈于常山

如生比乎先軫則梅州神童蔡進士之盡忠報國也南都不  
守胡騎長驅五嶺山川莫限馬足其有大義相感協規同心  
連結鄉兵悉力拒守卒之火焚崑岡玉石俱碎巡遠南八同  
傳忠義則東莞知縣程鄉張珪舉人惠州韓如璜與兵部尙  
書東莞張家玉共戰佟養甲力屈死之也清鼎已定搜索遺  
佚束帛薨薨不日則月競朋新好以招余情其有呼夷叔以  
相從指長潭而永潔我心匪席吾駕不迴遂抗疊山之高節  
投石戶之深淵則鎮平林丹九先生之以死卻徵聘也然此  
猶小己之自靖也天水訖錄文山支壤兵勢至梅州而大振  
男執干戈女貫甲裳舉族赴義傾邑勤王崖山舟覆沙蟲並  
盡所餘孑遺惟楊古卜三姓而已於乎田橫之島得此而二

矣遺風餘烈極於清季花縣洪天王覆清半壁建國太平百  
戰天亡亘十七年則民族革命之俶落也鎮平丘工部驅師  
十萬抗日保臺政由民主受號總統功雖不成其所披洩亦  
足伸大義於天下則民權革命之權輿也欽州馮提督厚養  
死士以急國難開關延敵如牆俱進追奔逐北大破法軍雪  
恥除兇遂復諒山則衛霍長驅匈奴之奇功也以迄民國之  
成紅花黃花之烈士南征北伐之虎將文昭武烈之輔相秉  
均持節之同志胥以客人爲中堅也安得云天下興亡無益  
殿最邪若夫愚夫一至小雅偏材貴誇韋平富擬陶頓海外  
虬髯稱孤啟土此蓋難以更僕數以今夕之燭短也姑以俟  
諸異日言未卒二君瞿然興曰善哉話言也虞翻之張會稽

汪中之張廣陵不過是矣中華人物斯爲冠族美儒之言今  
信不謬美國耶露大學講師亨丁頓所著自然淘汰與中華  
民族性有云客家人是中華民族的精華又曰客家  
人是十分純粹的華人僕雖不敏請申石君式城之意矣

客人對下卷

梅縣 古直 注

客人對

建設周報以榛狂加客人感之而作

庚午之歲九秋之夕揚州羅教授中膺過存而桐城方秘書孝

在焉時直方為客人三先生詩選李繡子宋芷灣黃公度三先生即舉似曰

舉似謂以物示人也臨濟錄曰樂普回舉似師賈島劍客詩今日把似君誰有不平事王阮亭詩攜得偉馱鐵如意重將

舉似雁若此之文亦得目為榛狂否案建設週報第三十七期客人風俗云近年頗

與本地人士接洽與前時榛狂景象大不相同矣三先生詩選主為此事而作故以發問二君姪曰玉出

崑山珠生南海吳志虞翻傳注引會稽典錄王府君問功曹虞翻曰聞玉出崑山珠生南海遠方異域各

生珍寶昔矜耳聞今竟目覩殆將方駕於曹劉杜甫詩方駕更曹劉不啻過

奚榛狂之能饒惟客者賓也先至為主後至後客禮記祭義濟濟者客

客人叢書對下



也釋文客者賓客也素問陰客已來自他方源流清濁風化陽類論先至爲主後至爲客

芳臭竊願聞其較略鄭康成詩譜序欲知源流清濁之所處則循其上下而省之欲知風化芳臭氣

澤之所及則傍行而觀之直對曰夫鴻雁知去陰而就陽人類亦規利而

遠害詩小雅鴻雁于飛哀鳴嗷嗷鄭箋鴻知避陰陽寒暑喻民知去無道就有道蜀志先主傳評曰折而不撓終不

爲下者仰揆彼之量必不容己非唯競利且以避害云爾運無常隆時有中否盤庚寧民

於殷亳大王避狄於岐山史記殷本紀帝盤庚之時殷已都河北盤庚渡河南復居成湯之故

居迺五遷無定處殷民咨胥皆怨不欲徙盤庚乃告諭諸侯大臣曰昔高后成湯與爾之先祖俱定天下法則可修舍而弗勉何以成德乃遂涉河南治亳行湯之政然後百姓寧集解鄭玄曰治於亳之殷地商家自此徙而改號曰殷亳周本紀曰古公亶父復修后稷公劉之業積德行義國人皆戴之薰育戎狄攻之欲得財物予之已復攻欲得地與民民皆怒欲戰古公曰有民立君將以利之今戎狄所爲攻戰以吾地與民民之在我與其在彼何異民欲以我故戰殺人父子而君之予不忍爲乃與私屬遂去豳度漆沮踰梁山止於岐下幽人舉國扶老攜弱盡復歸古公於岐下鄭康成毛詩譜序

周召者禹貢雍州岐山之陽地名周之先公曰大王者避狄難自幽始遷焉案大王即古公也周武王定天下追尊古公

王為大反主為客則遷徙之由當典午之不競也蜀志譙周傳晉文王下書

辟周周發至漢中困疾不進文立從洛陽還蜀過見周周語次因書板示立曰典午忽兮月酉沒兮典午者謂司馬也月

酉者謂八月也至八月而文王果崩諸夏湯湯一時橫流盡室投奔齊指江左

孫綽阻遷都洛陽疏中夏湯湯一時橫流百郡千城曾無完郭者何哉亦以地不可守投奔無所故也朝廷特

置僑治以處南徙之民周濟晉略州郡表元帝渡江以揚州為京師南徙之民率置僑治所領實

十一郡而司豫兗并青徐六州及僑寄也客也寄客為僑廣

當州之淮南廬江二郡并寄治焉釋詁寄客也一切經音義引字林於是衣冠之族充物揚州

矣初猶以為屯圯所鍾不過一時溫桓請遷都洛陽疏蠖屈以待龍申之會潛蟠以俟

風雲之會蓋屯圯所鍾非理勝而然也國語韋注鍾聚也神旂電掃朝服濟江則家家可

以賣宅孫綽阻遷都洛陽疏蕩滌滌河渭清洒舊京然後神旂

客人叢書對下電掃朝服濟江南史庾杲之傳嘗兼主客郎對魏使

使問果之曰百姓那得家家題門帖賣宅答曰朝廷既欲乃掃蕩京洛尅復神州所以家家賣宅耳魏使縮鼻而不答

喪亂綿邈累世不復雖殷依風之思終已植根異所溫桓請

陽疏喪亂綿邈五十餘載孫綽阻遷都洛陽疏雖北風之思感其素心目前之哀實為交切又曰植根江外數十年矣古

詩十九首胡馬依北風李善注韓詩外傳詩曰中原人士門代馬依北風越鳥栖故巢皆不忘本之謂也

閱自高言語風俗初不相入錢曉徵讀陶詩跋曰六朝最重

太炎檢論申桓曰桓公世居宣城宛陵南士望輕功實既著猶不台于門曹之士又曰陶士行本吳產也其時任用南士

不當從亡舊部十之二三士行折衝西輔威憚石勒蘇峻之變其子死焉軍在路次又召之還是豈獨不平于庾亮邪有

以知新故之不相容也終後子姓戮于庾亮陶氏終晉氏未嘗得政而王謝縣世不絕門曹相縣乃至是乎案如章氏所

云中原人士矜門閥輕南士亦甚矣晉書周顛傳曰顛母汝南李氏字絡秀在室顛父浚出獵避雨秀家父兄皆不在秀

與一婢宰豬羊具數十人饌甚精辨而不聞人聲浚怪使窺之獨一女子甚美因求為妾父不許秀曰門戶珍瘁何惜一

女不聯姻貴族乎顛等既長母謂曰我屈節汝家為門戶計耳汝不與吾家為親親者吾亦何惜餘年李氏遂得為方雅

之族又王述傳曰子坦之爲溫長史溫爲子求昏于坦之坦  
之還家省父述愛坦之雖長大猶抱置膝上坦之因言溫意  
述大怒遽排地下曰汝竟癡邪詎可畏溫面後雖土斷人猶  
而以女妻兵此並爲矜門閥與輕南士之證

**視同僑客**宋書武帝紀中時民居未一臣聞先王制治九土  
攸序分境畫疆各安其居九服弗擾所託成舊在

漢西京大遷田景之族以實關中卽以三輔爲鄉閭不復係  
之於齊楚自永嘉播越爰託淮海朝有匡復之算民復思本  
之心經略之圖日不暇給是以寧民綏治猶有未逮及至大  
司馬桓溫以民無定本傷治爲深庚戌土斷以一其業自茲  
迄今彌歷年載畫一之制漸用積弛雜居流寓閭伍弗脩自  
非改調更張無以濟治夫人情滯常難與慮始所謂父母之  
邦以爲桑梓者誠以生焉終焉敬愛所託耳今所居累世墳  
壟成行敬恭之誠豈不與事而至請準庚戌土斷之科庶子  
本所弘稍與事著於是依界土斷唯徐兗青三百年而往子  
州居晉陵者不在斷例諸流寓郡縣多被併省

**姓益孳然本邦之望已絕遂漸向嶺外轉徙**桓溫請遷都洛  
陽疏曰遂絕望

于本邦晏**揚州晉安郡**今汀州廬陵郡今南安**南康郡**今贛  
安于所託**地**在內

在與今廣東惠潮梅南韶連皆毗連也故客人入粵率由汀

贛南宋王象之輿地紀勝於梅州引圖經云郡土曠民情而業農者鮮悉藉汀贛僑寓者耕焉阮通志引唐撫言鄭隱

其先閩人徙居循陽因而耕焉此並客人由汀贛入粵之證此其源流之可攷者也至于

風化善多而惡少陳白沙嘗記程鄉縣學矣陳獻章程鄉學記曰程鄉風俗

善多而惡少質實勤儉人物冠冕摺紳錄嘗品嘉應風俗矣光緒嘉應

州志曰今通行摺紳錄於嘉應風俗標八字曰質實勤儉人物冠冕尤能涵濡於詩書潤澤於

禮樂耘耔硯田恃以為生菑會經訓乃亦有獲光緒嘉應州志宦蹟傳宋

方漸聞人進士知梅州嘗謂梅人無植產恃以為生者讀書

一事耳所至以書自隨又叢談云嘉慶二十年廣東學政彭

邦疇重修梅州試院記云梅州隸粵之東路自宋以後代產

偉人稽舊志戶口州屬則一萬五千七百有奇興甯則二千

一百有奇長樂則四千六百有奇平遠則二千九百有奇鎮

平則二千八百有奇我朝休養生息百餘年來繁衍未艾而

州之應童子試者不下萬餘人合之志乘所載之數士且得

三之一焉故梅之文學以冠於嶺南特聞石窟一徵吳雲巖

修撰鴻督學時重修鎮平縣學碑記云嘉應之為州也人文

為嶺南冠州之屬四鎮平為冠邑雖小以余所評文章之士

莫能過也試童子者一縣至餘萬人遊泮宮者每邑常以百數王

府君特志文風惠學士甚樂其土王之正乾隆嘉應州志士喜讀書多舌耕雖困窮至

老不肯輟業近年應童子試者至萬有餘人前制府請改設州治疏稱文風極盛蓋其驗也光緒嘉應州志寓賢傳惠士

奇兩任粵東學政勸學興行遴拔真才先是程鄉能文士多淹滯辛丑癸卯間冒籍之禁未嚴潮屬邑通考士奇蒞歲科

試程之入泮者百餘人土氣始揚旋領鄉薦逾半皆拔取時所擊賞者也庚申夏以待讀學士乞休歸攜其子棟來遊士

人感慕操舟出迎觀者如堵寓九賢祠兩閱月日餽豚酒不絕遠鄉聞風咸執文就正州人製木主祀之今祀培風書院

直案惠棟漁洋精華錄訓纂凡例云大清一統志民間向無傳本聞梅州李伯猷先生賜書堂有此書余至粵時惜未效

桓生之請至今為憾即而婦女貞潔有布裙曳柴通力合作父子相攜遊梅時事也

之風王志中上人家婦女紡織縫紉粗衣薄粧以貞淑相尚甘淡泊服勤勞其天性也直案古者男耕女織而豳風

七月之篇云同我婦子饁彼南畝則女亦非不耕矣客人婦女耕織并作近山者尤勤苦後漢書載王良為大司徒妻子

不入官舍司徒史鮑恢過候其家而良妻布裙曳柴從田中歸客人貴勝之家亦往往如此故黃公度先生己亥雜詩曰

世守先姑德象篇人多列女傳中賢若倡男女平權論合授  
周婆制禮權自注婦女皆勤儉世家巨室亦無不操井臼議  
酒食親縫紉者石窟一徵曰鄉中農忙時皆通力合作有友  
助之美無畛域之見井田之制三代以後不可復矣不意於  
吾鄉田婦見之溫仲和曰案漢書食貨志云入者必持薪樵  
冬民已入婦人同巷相從夜績女工一月得四十五日此亦  
言三代井田之事今更五部洲莫與倫比此其風化之可驗  
州俗婦女莫不如此者也二君笑曰斯已然矣始遷人物亦能徵乎直對曰有程  
旻者悃悞無華晉社已屋飄然鴻冥止於義化結廬江濱人  
服其行往質厥成望廬思過當時化之南齊置縣表以程鄉  
德高鄭公道邁太丘亦有二子曰松曰杉松字伯材事親極  
孝終日怡聲未嘗疾言隱居不仕栖遲樂飢杉字仲材以學  
被徵爲宏農守懼父憂歸值隋之亂棄官如遺壽至百歲稱  
爲真人此皆載於志乘見諸方輿者也

見輿地紀勝及戴通志黃通志阮通志戴



通志謂旼生於南齊溫慕柳先生辨之曰戴璟通志修於明  
嘉靖十四年生於南齊之說不知何據據王象之輿地紀勝  
引圖經云不知何代人或云南齊人或云隋人此爲宋之圖  
經疑以傳疑蓋其慎也葛志修於國初亦云生南齊時或云  
隋人世系無可攷尚不敢質言之也至劉志王志始從戴通  
志之說而王志於沿革爲之說曰若夫程鄉之爲縣也舊稱  
以程處士行誼故名而處士生於南齊歷梁陳以至隋開皇  
間年九十餘卒計南齊置縣時處士方少壯乃云後人思之  
乃以名縣此必生卒之年有未得其實者則固疑生於南齊  
與南齊置縣取名程鄉之說不合矣攷平遠志藝文載明巡  
按御史晉江王命璿祀程處士旼碑記云相傳晉時人以隱  
爲高又云一日平遠令李君以程旼傳示予用是知處士丁  
晉社已屋羣雄相逐之會飄然鴻冥以隱爲高者也查所稱  
平遠令李君名允懋萬曆間任所爲程旼傳志不著錄若果  
生於晉末歷宋至齊思其德而名縣於事極合但不知何所  
本耳又攷輿地紀勝於沿革下辨寰宇記諸書謂隋置程鄉  
縣實第知其再置於隋而不攷其初置於南齊仲和謂諸言  
程處士生於南齊卒於隋者皆沿革寰宇記諸書之誤而附會  
之殊不思程鄉命名由後人思程處士之德有可解於隋之  
置縣而無可解於南齊之已先置縣也直案程處士生於晉  
末至齊初不過七十歲歷宋至齊而卒謂之晉人齊人皆無  
不可也卒後人思其德因以名縣亦與南齊置縣合南齊書



州郡志程鄉聽遠音者聞其疾而不聞其舒書闕有間則不

能進於是也桓十四年穀梁傳孔子曰聽遠音者聞其疾二而不聞其舒孟子王曰吾昏不能進於是矣

君歎曰君子之言信而有徵斯之謂矣昭九年左傳君子之言信而有徵然

諺曰一代客二代主今閱千年客名不去寧有說歟直對曰

五方水土剛柔不齊而聲氣應之漢書地理志民函五常之性而其剛柔緩急音聲不

同係水土之風胡越漠視夏楚異情則言語為之階易繫辭氣故謂之風

之所生也則客人之先來自中原初因自貴保守語言及遷

益南迫近陸梁保守之性因之加強夫文身而邑草萊雖庶

子足治於越史記越王勾踐世家越王勾踐其先禹之苗裔而夏后帝少康之庶子也封於會稽以奉守禹

之祀文身斷髮端委而治周禮非至德莫化勾吳左傳太伯披草萊而邑焉

周禮杜注端委禮衣也孔疏太伯之時未有周禮言治周禮者謂治本國歧周之禮非周公所制禮也史記吳太伯世家

太伯之葬荆蠻自號勾吳荆蠻義  
 之從而歸之千餘家立為吳太伯  
 今以播遷之族迫處五嶺  
 之間猶不屈己從人惟冀式穀似我  
詩螟蛉有子蠛蠓負之  
 教誨汝子式穀似之  
 倔强介立自畫鴻溝永永年代長留客名不亦宜哉然古韻  
 學家則有幸焉矣古音字紐有端透定無知徹澄有幫滂並  
 明無非敷奉微淖微閱約此錢曉徵氏之創見而客音知與  
 照無別穿與徹無別牀與澄無別則足與錢說相發也  
羅先生客  
 方言自序曰錢大昕曰古音字紐有端透定無知徹澄有幫  
 滂並明無非敷奉微章炳麟歎其言淖微閱約非閉門思之  
 十年弗能療也今攷客音知與照無別穿與徹無別牀與澄  
 無別其無舌上音與中州音同而謂知為低與古讀支如觀  
 合也謂直為抵值得曰抵得與古讀直如特合也謂中為東  
 中心曰東心與古讀中如得合也謂至為鼎至遠曰鼎遠至  
 好曰鼎好與古讀至如寔合也謂涿為篤雨濕衣服曰篤濕  
 衣服與古讀涿如獨合也是皆舌上歸為舌頭與錢氏之說  
 符娘日二紐古並歸泥此章太炎氏之創見而客音讀爾如  
 也

客入叢書 對下

六一